

دارالفنون

حقوق فائز و مستر محمد علی

مفروق ، اقتصادیات

ایکی آبدہ بر نثر اولنور

مندرجات

قسم مفروقی :

یکی نور کیا حقوق مدنیہ سی تدقیقانه مدخل ، صاوزه رمال (مترجم لری) دانش سعید ، صدیق سامی
حقوقک اجرا سندہ عدالت و اخلاق وظائفک مؤبدہ قانونیہ سی عبدالحق کمال
کتابیات موسیو قروڑات
استاد محترم محمد جلال بکک رسمی ترجمہ حالی

استانبول — یکی مطبعہ

۱۹۲۷

سبی فده رال مجلسیله محکمه اداره اده سنده حقوق بر نقطه ده تحدث ایتسی محتمل اولان
اختلاف در . موسیو ژاقله نك فرانسز سیستمنده موجودیتندن زیاده سیله قورقدینی بر نوع
اختلافك اوراده بولونماسی احتمال داخلنده در .

موسیو ورنه ر بونده بر بدینك كوروب بونظریه بی قبول ایتمیور . پروفیسور
فلاینه رك نقطه نظریه اشتراك ایدرك موسیو ورنه رامور عدلیه اداره خصوصنده کنیش
بر نظریه طرفداری بولونیور .

بونکله برابر ، فده رال مجلسنك نقطه نظری قبول ایدلسه بیله ، حاکمیت منتظمه بره نسبی
(Antorités Coordonnées) بر مانع تشکیل ایتکسزین فده رال مجلسیله محکمه اداره
آده سنده اشتراك سعی تأمین ایچون بر واسطه بولونابیله جکدر که بو ، قرار دن صو کرا
یابیلحق اعلام طریقله دکل ، فقط اولجه ویریله جك رأیله قابل اولابیله جکدر . بو ،
بین المال دیوان عدالتك رأی استشاریلری طرزنده اولاجق وشو صورتله حقیقه عدلی
بر مجرایه دوغرو کیدیله رك فده رال مجلسیله محکمه اداره بیئنده مناسبت تأسیس ایدیله جکدر .
بومقانیزه اهالینك منافعی خصوصنه عامل اولاجقدر .

شوالده پروفیسور ورنه ر رفیق فلاینه رکی اسویچرده امور عدلیه اداره نك آتشین
بر مدافعیدر . معلوم اولدینی اوزره کنیدیسی جنوره ده قانونك تشکیلات اساسیه درجه
موافقتك مراتبه سی طرفداری اوئش ایدی . تکلیف ایتدیکی ماهرانه صورت تسویه
نظراعتاره آلمغه لایقدر . اثری واسع بر امور عدلیه اداره نك اسویچرده لزومنی اثبات
ایتمکده در .

Stabilisation monétaire en Belgique, par M. Louis Franck. Payot, Paris 1927

بلجیقاده پاره نك استقراری : موسیو لوئی فرانق . پارس ۱۹۲۷ . پایسو

حرب عمومیدن صو کرا بر جوق مملکتلرك معروض قالدقلمی بحران مالی هر کسك
معلومیدر . بوقیلدن اولق اوزره بلجیقا زمان اولدی که افلاس ایتك تهله که سنده دوشدی .
الک نهایت پاره سنی یکی بر حاله افراغ ایدرك بوعظیم تهله کی آتلاتدی . و تحویلات اخراجنه
مآذون هولاندا بانقه سنك رئیس موسیو (ویسه ریئغ) ك بلجیقا خارقه سی دییه توصیف
ایتدیکی استقراری ، (بلغا) بی (یکی بلجیقا پاره سنك اسمی) وجوده کتیرمکه موفق
اولدی .

با حقیقاده بو خصوصده توسل ایدیلن اسباب و وسائط بر کل حالده تنظیمات شخصیتلرندن
بری اولان موسیو Louis Franck طرفندن تشریح ایدلشدیر . موسیو Franch ک
دیره کتور لکنی قبول ایتدیکی (ملی با حقیقا بانکه سنه) تودیع ایدیلن و بویوک برجسارته
یاسیلان بوتنظیمات میاننده بالخاصه دیون غیر منتظمه نک دیون دائمیه تحویلی موجوددر .
مؤلف مسئله نک نه شکلده اولدیغنی ، هانکی اساس اوزرینه استقرار فئاتنک (taux
de la stabilisation) حساب ایدلدیکی ، (بلقا) نک هانکی اساسه بناء وجوده کتیرلدیکی
و ویردیکی نتایجی عریض و عمیق تدقیق ایتشدیر . کوستردیکی وثائق مهمه ، استاتستیک
و جدوللر تنظیمات ایله داخلی اولدیغنی قدر خارجی فئاتلرکده مناسبتلرینی قطعی و صریح
بر صورتده میدانده قویمقدردر .

بو پاره نک تنظیمی خصوصنده دیون غیر منتظمه نک دائمیه تحویلنک نه مهم روللر
اوینادینی موسیو (فرانق) طرفندن آریجه ایضاح ایدلمکدهدر .
با حقیقا طرفندن تعقیب ایدیلن طریق آلمانیا و انکلتزه طرفندن اختیار ایدیلن بو خصوص-
صده کی پولتیقه اصوللرندن تماماً باشقهدر . بلچیقانکی ، بعضی کیمسه لر طرفندن فرانسه
وایتالیا ایچون تصور ایدیلن بر صورت تسویه نک متوسطیدر .

La compétence des juridictions mixtes d'Egypte , par Maurice de Wée ,
Bruxelles 1926,
juridiques, Albert Vandeveld éditeur

مصر مختلط محاکمک صلاحیتی . موسیو موریس دووه . روکسل ۱۹۲۶

مصر مختلط محکمه لرنده صلاحیت مسئله سندن دولایی تحدت ایتیش و ایتیمکده اولان
مشکلات حقوق ایله مشغول اولانلرک معلومیدر . بواژده او مباحث غایت عالمانه بر طرزده
میدانه قونولشدیر . مؤلف اصول محاکمه و تطبیقات حقوقیه نک هر صفحه سنی بوتون
اینجه لکارینه وارنجیه قدر کوستر مش اولدیغندن قارئلر بواثر ایله مسئله یی غایت منتظم بر
صورتده تدقیق ایتک فرصتی بولاجقلردر .

موسیو de Wée هر شیدن اول مصر مختلط محکمه لرینک صلاحیتی مسئله سنده برنجی
عامل اولان ملیت مسئله سنی مطالعه و ۲۶ مایس ۱۹۲۶ تاریخلی مصر تابعیتنه دائر اولان
قانونی تفسیر ایدیور . بوندن صوکره مختلط محاکمک هانکی مباحثده صلاحیتدار بولونقلرینی ،